



# Аиде лий

ВЛКСМ МАРОБКОМЫН ОРГАНЖЕ  
Адрес: Йошкар-Ола, Совет пöрт, "Аиде лий" редакций



## 18 июль—Всесоюзный физкультурник кече

### Физкультура дене кўрылтде заниматлем

Партий ден правительство физкультурный движенийлан кугу вниманийым ойырат. Мемнан пеледше элын миллион дене енышт физкультура да спорт дене заниматлат, тудым йöратат. Физкультура ден спорт ик вес эллатат мемнан денесе гай популярность дене ок польоватлат.

Мемнан дене пашазе, колхозник, студент, пионер ден школьник да моло-шамычат шке тазалыкштым пенгыдемдат.

Физкультура смелостыым воспитатла, еным дисциплинироватла.

Мыят физкультура дене изинек заниматлем. Красноволокский начальный школышто (Кырык-Марий район) тунеммем годым куржмаш, лыже дене каймаште эре первый верым налынам. 1930 ийыште Козмодемьянскыште тунеммем годым 100 метрыш куржмаште районышто первый верым налынам. Тиддеч вара Йошкар-Ола педрабфакыште тунемым. 1935 ийыште 100—200 метрыш куржмаште республиканский рекордым шынденам. Кужытыш тöрштымаште кокимшо верым, кукшытыш тöрштымаште кумышо верым налынам.

1938 ийыште республиканский соревнованийыште 100 метрыш куржмаште кокимшо верым налынам. Тенийсе отборочный соревнованийыште сай результатим ончыктенам.

Мыйсамырык физкультурник-шамычым тренироватлем. Республикыште самырык физкультурник-рекордсмен-шамыч шукин улыт. Теве Геня Никулин ("Динамо") кужытыш тöрштымаште, ядром шукы-маште рекордым установитлен. Тугак Злобин, Шаров, Коля Малышев, молат спортын түрлө видше денат чапле результатим ончыктенят. Самырык рекордсмен-шамыч молат улыт. Нуно кечын виягыт, пенгыдемыт.

Шыжым посна юный физкультурник-шамыч группа организоватлатеш. Мый нуным тунукташ туналам. Динамовец—

Толстов Александр.



### Физкультурник кече вашеш

Эркан-Сола туналтыш школышто тунемше-шамыч Всесоюзный физкультурник кечым оборонный значоклан нормо пумаш дене вашлийт. Ятыр тунемше-шамычын онгытышт кок значок гыч уло, а Анисимов Николай кум значокымат налын. Туныктышо Николай Васильевичын вуйлатымы-

же дене ПВХО ден БГСО значоклан нормым сдатлат. Физкультурник кечын—18 июлышто пионер ден тунемше-шамыч колхозник-шамычлан ончыкташ пирамидым ямдылат, пирамидеч вара концертым шындат.

Кошкин Арсентий.

У-Төр'ял район.

### Пуш дене походыш

Марийский АССР Наркомпросын йоча экскурсионно-туристический станцийже, олесе ДТС да Пионер пöрт 10 гыч 25 июль марте пуш дене походым организоватленят.

Походын 18 самырык участникше-шамыч пыл пушеш Кугу-Какшан — "Ар-гамач" пристань — "Долгая старика" пристань маршрут дене каят да мөн-гешла толыт.

Походын задачиже — Кугу-Какшан энгерын руслажым, сер воктенсе растительность да обитатель-шамычым, вудшым тунемаш. Йоча-шамыч маршрут-тын картшым, геологический картым ыштат. Адак йоча технический станцийын да Пионер пöртын жилой уголокыштан экспонат-шамычым ямдылат.

Ксения Ефремова.



Снимкыште (шолга гыч пурлашке): орденоносец Семен Бойченко, тудо "бабочка" стиль дене 100 метрым 1 минутат 06,8 секунд ийын каен. Спортын заслуженный мастерже, орденоносец Николай Озолин шест дене 4 метрат 29 сантиметр кукшытыш тöрштен. Спортын заслуженный мастерже С. Зламенский 5000 метрым 14 минутат 38,7 секунд куржын.

### Ме нормым сдатлышна

Апрель тылзын муча-шыштыже мемнан школыш шкенап ял марий, Марпед-рабфакын директоржо Сергей Осипович Плотников тольо да каласыш:

—Йоча-шамыч, мый тыланда ПВХО значоклан нормым сдатлыкташ туналам, мане. Ме пеш куанышна. Эрлашыжым Сергей Осипович мемнан деке адак тольо. Тудо кече гыч ме противоздушный оборона пашам тунемаш тунална. Мондаш огыл маным, мом колыштынам ме тетрадьыш возен улна. А мөн-гышто уроклан ямдылалт-ме семынак повторитлена ыле. Икмынар жап гыч Сергей Осипович противогазым кондыш. Тудын ужашыже-шамычым ончыкты-льо, умылтарыш, адак тудым кузе чийшашым ончыктыш. Ме чылажымат раш умылаш тыршен колыштна.

Йодышмаш кече шуо. Сергей Осипович дене пырля йодышмашке Йошкар-Ола гыч инструктор тольо. Нуно йодышым пуэдаш туналыч. Конешне, ме чыланат отвечаен кертнына, вет тидлан сайын ямдылалтын улына ыле. Но 2-шо классыште тунемше Караев Нурла отвечаен ыш керт. Тудо жапым шуйыде адакат повторитлаш пижын. А кокимшо ганажлан тудо хорошолан отвечаен кертын. Тыге мемнан школышто тунемше йоча-шамыч ПВХО-лан нормым сдайышт. Ыде значокым гына налаш кодын.

Зубанов Валериан.

Кугу-Чигаево начальный школым тунем пытарыше.



Самырык рекордсменка Юлия Кочеткова. Тудо 3 рекордым установитлен. 100 метрым кроль стиль дене 1 минут 10,5 секунд ийын каен.



Спортын заслуженный мастерже Мельников.

### СССР-ын мировой рекордышт

● Луймаш дене Осоавиахимын Центральный клуб команда мировой рекордым ончыктен. Тудо команда 2000 лийшаш гыч 1992 очком лўен налын.

● Мемнан гиревик-шамыч 35 мировой рекорд гыч 22 мировой рекордым сенен налынт.

● Физкультурница Евдокия Васильева удрамаш-шамыч кокла гыч мирыште первый 1000 метрым 2 минутат 58,4 секундышто куржын.

Куржмаште, шест дене кукшö тöрштымаште, диск, гранат кудалтымаште, коньки да ече дене коштымаште мемнан спортсмен-шамыч кажне ийын, кажне тылзын мировой рекорд дек лишемат. Шушаш ийлаште моло рекорд-шамычат мемнан лийшаш.

### Тений ыштыме республиканский рекорд-шамыч

● Ядро шукымаште П. Горинов ("Лесосплав") 11 метрат 30 см. ончыктен.


● Диском П. Гориновак 36 метр торашке кудалтен.

● Гуляев В. кужытыш 6 метрат 13 см. тöрштен.

● Физкультурница Харитоновна ("Бумажник" спортивный общество) гранатым 37 метрат 58 сантиметрыш кудалтен.

● "Учитель" общество гыч Пялисов кукшытыш 172 сантиметрым тöрштен.

● Коньки дене тений Валентин Винокуров да Павлова Сима (коктынат "Динамо" общество гыч) шке рекордыштым саемденят.





## ПЕРВЫЙ ФИЗКУЛЬТУРНЫЙ ПАРАД 1923 ИЙЫШТЕ ЛИЙЫН

1923 ийыште Москваште первый гана лийше физкультурный парадыште калык пеш шагал лийын. Кокымшо гана парад 1924 ийыште эртаралтын. Парадыште 4.500 спортсмен-шамыч гына участвоватленыт. Тиде парад 1927, 1928 ийлаште лийын.

1931 ий гыч тунгалык парад кажне ийыште эртаралтын. Умаса парадыште 35 тужем физкультурник-шамыч участвоватленыт.

Сталин йолташ 1931 ийыште первый гана парадыште лийын. Тиде парад ик парадмат коден огыл.

1936, 1937 да 1938 ийла-се парадлаште союзный республика гыч делегаций-шамыч участвоватленыт. 1937 ийысе парадыште Белорусский физкультурник-шамыч ончыктымо „Граница на замке“ инсценировкаш паша келшен.

Мемнан калык эн пилалан велэ огыл, но и эн виян.



ВКП(б)-ын 18-ше съезде лумеш РСФСР-ысе пионер ден школьников-шамычын оборонный соревнованийышт. Москвасе 619 номеран школа гыч команда кок секунд жапыште противогазым член. Снимкыште: тиде команды составше. Шола гыч пурлашке: Шура Громова, Федя Бекетов, Вася Егуннов да Боря Корсанов.

## Москва, Тамбовский область да Карельский АССР-ысе школьников-шамычын сенгымышт

РСФСР-ысе йоча команда-шамычын оборонный соревнованийышт куд кече лийын. Первенство верч 600 пионер ден школьников-шамыч соревноватленыт. Соревнований жапыште самырык патриот-шамыч лагерысе палаткылаште илен. Нунын дек чучкыдынак артист, элын палыме егышт унала коштынтыт.

11 июльышто соревнований пытен. Малокалиберный оружий гыч луймаште йоча-шамыч кукшо мастерством, противоздушный ден противохимический да санитарный пашаште сай шинчымашым ончыктеныт.

Стрелок-шамыч кокла гыч первый верыш Карелийын командыже лектын, кокимшо верыште—Смоленский областинын командыже. Пона результатам Смоленск ола гыч Вася Москалев (200 гыч 191 очком налын) да Петрозаводск ола гыч Галя Москалева (189 очко) сайын ончыктеныт.

Санитар-шамыч гыч Ми-чуринскысе икымше средний школын (Тамбовский

область) ученицаже-шамыч команда сенгымыш лектын. Нуно чыла упражненимат пеш сайын, писын да дружно ыштеныт.

Химик-шамыч кокла гыч Московский команда сеген.

Тыге Всесоюзный оборонный соревнованийыште РСФСР-ын чысташым Карелийын стрелок-шамыч, Тамбовский областинын санитарышт да Москван химик-шамыч аралаш тунгалыт. Соревнований марте тылзе жапыште нуно эше чот тренироватлаштыт.

## Орденосец-учитель-шамыч Москва гыч пörтылыныт

11 июльышто эр поезд дене правительствын кугу наградыже дене—СССР орден да медаль-шамыч дене наградитлыме Марийский АССР-ын знатный учитель-шамыч Москва гыч пörтылыныт. Москваште нунылан чылашланат орден ден медаль-шамычым вручитлыме.

## Мыйын пöлкем

Вашке Всесоюзный ял озанлык выставка почылтеш. Выставка почылтмаш—тиде социалистический ял озанлыкыште кугу событий.

Выставка лумеш мый пöлкем ямдылем. „Социалистическое сельское хозяйство“ вуймутан сылне-мутан, суретан, альбомыштенем. Тудын первый страницыштыже Ленин ден Сталинын портретыштыне. Альбомышто ял озанлыкын ончыл стахановец-шамычым ончыктенем.

Адак выставка почылтмылан „Гербария цветковых растений“—ым ыштем, насекомый, земноводный-шамычым погем.

Тимофеев Саня.

Морко район, „Йошкар-Пеледыш“ колхоз.

## Коллекцийым ышта

Григорьев Пантелеймон тельым тунеммыже годымат турло насекомый-шамычым йöратен изучатла ыле.

Нунын нерген ятыр книгам лудын. Но але марте шкенжын коллекцийже лийын огыл. Садланак тений коллекцийым погаш лийын ыле. Але марте турло насекомый-шамычым поген. Тудын дене коллекцийым ышта.

Егоров Саню.


„Тумер“ колхоз, Морко район.



## Писатель Мартин Андерсен Нексе СССР-ыш толын

Данийын талантливый революционный писательже Мартин Андерсен Нексе 10 июльышто Ленинградш толын. Финляндский вокзалыште писательым А. Навиков-Прибой, Б. Лавренев, В. Шишков, А. Прокофьев, Ю. Герман, А. Ганзен да молат вашлийыныт. Уналан пеледышым кучыктеныт.

М. А. Нексе дене пырля СССР-ыш тудын ватыже да йочашт—школьник-шамыч



Дите ден Пер толыныт. Нуно чыланат СССР-ыште кенже тылзе-шамыч мучко лийыт.

13 июльышто Нексе Москвашке толын.

## Мрамор кийме верым мумо

Западно-Сибирский геологический управленийнын геологоразведочный партийже Новосибирский областинын Ижморский районыштыжо чапле тусан да рисункан мрамор кийме поян верым муын. Специалист-шамычын ойлымышт почеш, Совет-шамыч Дворецым облицоватлашлан тиде мраморым кучылташ лиеш.



Снимкыште: В. Дмитриев („Динамо“). Тудо республиканский отборочный соревнованийыште 100 очком лүйен налшаш гыч 99 очком налын.

Правительствын пунчалже почеш 18 июль Всесоюзный физкультурник кечылан увертаралтын. Кажне ий тиде кечын пүтын эл мучко рвезе ден удыр-шамыч площадьлаш, уремлаш лектын, шкеништын вийыштым, писылыкыштым, физический пентгыде улмыштым ончыктат.

Тений столицын Красный площадьысе парадыште 35 тужем физкультурник-шамыч участвоватлаш тунгалыт.

Пайремлан йоча-шамычат ямдылаштыт. Физкультурник-шамычын торжественный маршышт почеш пионер ден школьников-шамыч выступатлаш тунгалыт.

Советский йоча-шамыч физкультура дене куанен занматлат. Советский Союзысо 1 миллион 200 тужем йоча-шамыч БГТО значоклан нормым сдатленыт. Гирь да борьба вид деч

## САМЫРЫК ФИЗКУЛЬТУРНИК-ШАМЫЧ

посна чыла моло спорт дене ончыл верым налшлан соревнований эртаралтыт. Пытаргыш ийлаште лу дене рвезе способный спортсмен-шамыч ешаралтыныт.

Рвезе ден удыр-шамычын рекордышт спортын турло видыштыжат пеш чапле результатан улыт. А посна самырык рекордсмен-шамычын результатышт кугу ен-шамычын шындыме всесоюзный достиженийыштымат эртен каят.

Юлия Кочеткован 100 метрыш кроль стиль дене 1 минут 10,5 секунд ийын кайме рекордшо—СССР абсолютный рекордлан шотлаттеш. Тиде рекорд посна Кочеткова кум всесоюзный абсолютный рекордым устанывитлен.

Тений, 1000 метрыш куржмаште самырык спортсмен Соловьев (Москва) у рекордым шынден. Тиде расстоянийым 2 минут да 43 секунд куржын. Школьница Ольшеская (Москва) куржын толын кужутыш 5 метрат 21 сантиметрым тöрштен. Федосеева (Москва) 1 ме-

## Платон Ипполитов

Спортын заслуженный мастерже, орденосец.

трат 48 сантиметр кукытыш, Капустянский (Ташкент) 6 метрат 58 сантиметр кужытыш тöрштен.

Йоча-шамыч оборонный подготовка шотыштат кугу ен-шамыч деч шенгелан огыл код. Ипподромлаште юный всадник-шамыч „юный ворошиловский всадник“ значоклан нормым сдатлаш ямдылаштыт. Бухтлаште, ерлаште йоча-шамычын шкеништын посна шлюпкишт, флотилийышт, яхтышт уло. Нуно тушто военно-морской пашам тунемт. Школлаште, мөнгышто, пионер портлаште, лагерьлаште йоча-шамыч противоздушный химический оборона да санитарный пашалан тунемме кружоклаште ПВХО ден БГСО значоклан нормым сдатлат.

Шукерте огыл Ленинградштыште школа ден школа коклаште оборонный соревнований эртен. Тушто 50 тужем наре пионер ден

школьник-шамыч участвоватленыт. Соревнований чапле результатым ончыктен. Районный соревнованийыште Фрунзенский районысо 12 номеран начальный школа первый верым налын. Юный санитар-шамычын командыже (Жорес Васильева, Нина Акутина, Маруся Смирнова, Люба Соколова) чыла пумо заданийым отлично шуктен.

Соревнований годым 11 номеран средний школысо чыла туныктышо ден тунемше-шамыч ПВХО значоклан нормым сдатленыт.

Москвасе стрелковый соревнованийлаште столицын 23 районлаже гыч 115 самырык стрелок-шамыч участвоватленыт.

Кажне район эн сай школьный командым ойырен. Октябрьский районысо 204 номеран школа 500 очком налшаш гыч 422 очком налын. Тыге первый верым налын. Тиде соревнованийыште посна выступатлымаште эн сай результатым 240 номеран школысо школьник-шамыч (Таганрогский район)

ончыктеныт. Теве Морозов 100 очком налшаш гыч 90 очком, Шнейдер 100 гыч 89 очком налыныт. Тугак Фрунзенский районысо 32 номеран школышто тунемше Кириллова 100 очком налшаш гыч 88 очком налын.

500 тужем пионер ден школьников-шамычын общешкольный, районный да областной соревнованийлаште участвоватленыт. Тыжечын нуно эн сай результат ончыктышо-шамычым всероссийский соревнованийыш ойырен. Тиде соревнованийлаште 100 тужем йоча-шамыч ЮВС значок ден 1 ступень Ворошиловский стрелоклан, 638 тужем ен ПВХО ден БГСО значоклан нормым сдатленыт.

Советский йоча-шамыч физкультурым пеш йöратат, военный ден санитарный пашам тунемт. Нуно пентгыде да смелый лийын кушкыт.





## ВСЕСОЮЗНЫЙ ЯЛ ОЗАНЛЫК ВЫСТАВКА

Пу шога гыч—„Сталинец“ трактор марте, рожь комдо гыч—шукко рядан саялка марте, сапондо гыч—комбайн марте, орава гыч—автомобиль марте, чыра тул гыч—колхозный гидроэлектростанций марте, миллион дене кресаньык - единоличник - шамычын шужен, пычкымыш и лышышт гыч—большевистский колхозлаште нунын зажиточный, культурный илышышт марте...

Мемнан ялын чудесный кушмо тиде Сталинский корныжым элан, пүтнень советский калыккан Москваш 1939 ийын 1 августышто почылтшо Всесоюзный ял озанлык выставка ончыктышаш.

Сахалин ден Белоруссий гыч, кечан Грузий гыч да Арктикыиан рубежше гыч—Советский Союзын чыла луклаж гыч мемнан мландын могай понылыкше уло, эн сайжым, растительный ден животный мирин шукко түрлө виддытым выставкыш кондымо.

Ял озанлыкын передовикышт-шамычын, ончыл колхоз, МТС ден совхоз-шамычын достиженыйышт 52 павильонлаште ончык-талтат.

Выставка Советский Союзын шыдан, уржа, шож, йытын, сакыр ушмен да паренте производ-ство дене туняште кузе первый верым налмыжымат ончыкта.

„Сибирь“, „Дальний Восток“, да „Арктика“ павильонлаште ли-йын, выставкыш толшо совет-ский ончыл наукин Северный

суровый природа деч кузе у да у пространством кучедал налмыжым ужеш. Шыдан, соя, кияр поми-дор, арбуз юг гыч северышке шарленят.

Выставкыште пүтнень молочно-товарный ферме-шамыч кечылан 40 литр шорым пушо рекордист-ка ушкар-шамычге ончыкталташ тунгалыт.

Выставкын конюшныштыжо чистопородный орловский рысак-шамыч шогат, нунын скоросты-шт курьерский поезд дене тор. Туштак 400 пуд нелытым шуп-шын кертше „Арденн“ да „Пра-бансоны“ имне-шамыч улят.

Шорык виташте—ик пуд дене вичкыж межым пушо палыме мериносый тага-шамыч улят.

Птичкыште—идалыккан 300 да утларак муным мунчышо „Лег-горн“ племенной чыве-шамыч улят.

Пасекыште—мүкш-шамыч улят, нунын кажне ешышт сезоншты 300 килограмм деч шукко мүйым пуат.

Пырдыж семын гына тунялан палыме ефремовский шыдан шо-га. Тудын стебельже—туняште эн күкш, вуйжо—туняште эн нелз, урожайже—туняште эн ку-гу—гектар гыч 75 центнер.

Выставка шукко чудесым он-чыкта: пел метран кияр-шамы-чым, гигантский ковышта вуй-шамычым; идалыккан кок уро-жайым пушо шыдагым; тыквеш кушпо дыня-шамычым; пызлеш кушпо грушым; 3.000 плодом пу-шо мандариновой пушентым; слива кугытан вишным да олма кугытан сливым...

Выставкыш толшо шүдö тү-жем дене посетитель-шамыч он-чылан мемнан социалистический земледелийын чудесный кушмо картинке кумдан шарла.

Всесоюзный ял озанлык выстав-ка Советский Союзын чыла лук-лаж гыч тышке толшо колхоз-ник-шамычлан массовый школа лиеш. Выставкыште нуно шукко ум, шергаканым ужыт.

В. Кедров.



Всесоюзный ял озанлык вы-ставкыште.  
Снимкыште: Белоруссийн павильонжо.



## Володя ден Павлик

Таче чодраште тымык, ик лышташат ок тарване. Кайык йукат ок шокто—шокшо улмыланак огыт му-ро ала-мо. Шоншо тарванен кая гынат, тымыкыште ме-ран кудалмыла шокта.

Шыгыр оргажлаште энеж йошкар тарай гай куйын кеча. Ончалат да шувыл вудат толеш, пурлмет шуэш. Нерыш түрлө саска уш-пура. Чодра гыч лекмат ок шу. Пеш сылне, кумылет нолтын гына коштеш.

Изи Павлик ден Володя энеж погаш толыныт. Нуно ик школышто тунемыт, пио-нер улят. Тунемме ийым чыла предмет денат отлич-но пытареныт. Пионерский отрядыштат эн примерный пионерлан шотлалтыт. Во-лодаже латкум ийыш пурен, Павликше латик ийым гына темен.



Володя ден Павлик кунар чодраш келгештыт, тунар энеж шукемеш. Ик верыш-те поген шогымышт ок шу, шинчашт шаланен. Нуно мотор, лбзгарак энеж-ша-мычшым „кырт-карт“ на-ден ик вер гыч вес верыш ошкылыт. Южо вере же

Г. Ядек  
Ойлымаш

энеж вондо коклаш пурен йомыт да вуйыштат ок кой, ваш огыт уж. Тыге чодраш келгештыт.

Володя атыже темын. Погаш верже уке. Ик кугу энеж вондо түшкаш миен шогале да чодрам ончалын энежым кочкаш тунгале. Шукко жапат ыш лий, мун-дыркак огыл кукшо укш пудыргымо йук шоктыш. „Маска докан“ шоналтыш Володя. Изиш лиймек шиже. Буржуазный элла гыч шпи-он, убийц, диверсант, моло вредитель-шамычым колты-мо нерген вожатыйын ойлы-мыжым тудо шарналтыш. Энеж вондо кокла гыч вуй-жым луктын йышт ончале.

Онча, палыдыме ен. Шем вургеман, канде шинчалы-кым чиен, кепкыжым ку-мык ушшалан, граница мо-гыр гыч толеш. Володя изи шүмжө изиш пырткаш тунгале, шүлашат шыпак гы-на тунгале. Володя осторож-ный лие, шинчажым пыч ыштыде палыдыме егын куш савырнымыжым шек-лана.

Палыдыме ен граница деч эркын, вашкыде ошкы-леш. Володя шпион улмым палыш. Мом ышташ? кузе кучет? Кычкыраш ок лий, шиже. Павликат ок кой, ала-кушто энеж вондо кок-лаш йомын кодын... Вучаш ок лий, жап эрта. Володя энеж вондерла шенгеч шы-лын-шылын рывыжла чоян, шыман тошкалын Павликом кычалаш тунгале. Павлик тораште огыл улмаш, ту-

дым Володя вашке муо-Павликлан граница веке вуйжым, лупшал ончыктыш: — Заставыш курж!—пылы-шышкыже шыпак пелеш-тыш. Павлик вуйжым луп-шал ончыктымо гычак ум-лыш. Ик мутымат ыш пе-леште, писын тарваныш, энеж ведражымат шынден кодыш. Шыгыр, чашкеран верла гыч шып, пеш вашке лекташ толаша... яндар, чарарак верыш лекте, мун-дырала койын курж колтыш.

Застава лишнак огыл. Павлик ноен, пужалт пытен. Тувыржо вуд гай лийын, пыкше шүлештеш. Шүмжө пеш чот пыртка. Логарже кошкен... Куршыжла пу-шенге вожеш ала-мыняр гана шүртнен возын.



Бнде застава мундыр огыл, тебе коеш. Эше шү-дö метр наре кодын...

Володя лышташ кокла гыч шпионом пеш шеклана. Почешыже кугу оргаж шен-гелан, кужгү, кугу пушен-ге-шамыч шенгелан шыле-ден шинча гыч йомдарыде эре ошкылеш. Южгынам йонгылыш тошкалшыжла вичкыж укш „шүрт“ пудыр-ген кая да тудо содор гына шылын шогалеш.

(Мучашыже лиеш).

## ЯПОНО-МАНЧЖУРСКИЙ ПРОВОКАЦИЙ ПРОДОЛЖАТЛАТЕШ

МНР-ысе монголо-совет-ский войска штабын увер-тарымыже почеш, 6 гыч 12-шо июль марте включи-тельно Номон Кан Бурд Обо районушто да Халхын Гол энгер деч восто-кышкыла монголо-советский ден японо-манчжурский войска-шамыч коклаште переры-ван кредалмаш лиеден.

5-ше июльшто монголо-советский мланде умбалнысе войска-шамычын да авиа-цийын решительный кон-трактышт дене МНР тер-риторий гыч поккен лукмо японо-манчжурский часть-шамычым 6-шо июльын пыртартышыжлан тичмаш-нек гаяк манчжурский тер-риторийыш поккен колты-мо.

8 июльшто волгыжаш лишан Манчжурия гыч тол-шо у резерв дене, адак ку-ту виан танк-шамыч, нелз артиллерий да авиаций дене пентгыдемдалтын, японо-манчжурский часть-шамыч Халхын Гол энгер деч во-сто-кышкыла Номон Кан Бурд Обо районушто на-ступленийыш вончен, МНР границыш угыч нарушитле-ныт.

8-ше июль гыч тунгалын

12-шо июль марте включи-тельно Халхын Гол энгер деч восто-кышкыла руко-пашный пижмашке вончы-шо кредалмаш лиеден.

Бомбардировочный, штур-мовой авиаций полшымо дене мланде умбалсе мон-голо-советский войска-ша-мычын решительный кон-трактышт дене японо-манч-жур-шамычын атакыштым успешно отразитлыме. Хал-хын Гол энгер деч восто-кышкыла улшо вер совет-ско-монгольский войска-ша-мыч дене пентгыдын кучал-теш.

Советско-монгольский штабын данныйже-шамыч почеш 6-шо гыч 12-шо июль марте кредалмаш жапыште японо-манчжур-шамыч ко-лышым 2 түжем ен наре дасусыргышым—3.500 еным утла йомдареныт. Тиде пе-риодышто монголо-совет-ский войска 254 плен-ныйым, 4 орудийым, 4 тан-кым, 15 бронемашиным, 70 пулеметым да моымат ру-алтен налын.

Кулешан документ-шамы-чым руалтен налме; нунын кокла гыч квантунский ар-мийын командующийжын генерал Уедан 20-шо ию-

ньышто лукмо 1532 № при-казше та японо-манчжур-ский войска-шамычын Хал-хын Гол энгер деке 1 июль-ышто наступленийышт нер-ген 23 пехотный дивизийын командирже генерал Кома-цубарын 30-шо июньшто лукмо 105 №-ан приказше улят. Пленный пехотинец-шамыч коклаште ик капи-тан (Като Такео), 12 унтер-офицер уло.

Пленный-шамычын пока-занийышт почеш да руал-тен налме документ-шамыч дене точно подтвердитла-теш: Буир-Нур ер райо-нышто тиде у японский авантюра кужу жап ямды-лалтын.

Монголо-советский вой-ска-шамыч вастареш кре-далмаште—кок пехотный японский дивизий, 23-шо да 7-ше, тугак первый мо-томех бригада, мотострел-ковый полк да 100 танк наре, нелз полевой артил-лерийын первый отдельный полкшо да 6-7 японо-манч-журский кавалерийск ий полк наре участвоватленыт.

Тиде кредалмашем мон-голо-советский войска-ша-мыч 293 еным колышым да 653 еным сусыргышым йомдареныт.

6-шо гыч 12-шо июль марте Буир-Нур ер район-ышто да Номон Кан Бурд

Обо районушто южышто кредалмаш лийын, тугак кок могырымат бомбарди-ровочный авиацийын дей-ствийышт лийын, но кредал-маш поле эреак монголо-советский авиаций могыреш кодын. 6-шо гыч 12-шо июль марте южышто кре-далмашем монголо-совет-ский авиаций да зенитный артиллерийский тул дене 61 японский самолетым вол-тен шуымо.

Нине самолет-шамычын экипажышт гыч 12 япон-ский летчикым захватитлы-ме: капитан Маримото, по-ручик Амоно, поручик Ми-цутами, подпоручик Мицу-до, фельдфебель-шамыч—Саито, Миадзимо, Фудзи, Мицутами, унтер-офицер-шамыч—Исибэ, Такамац, Исидзава, Мотохора. Ну-нын кокла гыч шукынжо нелын сусыргеныт.

Японский авиаций дей-ствий-шамыч дене руково-дитлыше, квантунский ар-мийын военно-воздушный вийже дене командоватлы-ше генерал Гигын приказ ден документ-шамычын портфельым руалтен налме.

Монголо-советский ави-аций тиде жапыште 11 са-молетым йомдарен.

28 май гыч 12-шо июль кокласе жапыште чылаже 199 японский самолетым

волтен шуымо. Советско-монгольский авиаций тиде жапыште 52 самолетым йомдарен.

Советско-монгольский ко-мандованийын шонымыжо почеш японский пехота на-чар огыл кредалеш, хотя тудо утларак сайын кредал кертеш ыле, вет 23-шо ден 7-ше японский дивизий кок-тынат сай дивизийлан шот-лалтыт. Тиде дивизий-ша-мычын тыге куштылгын се-налтмышт факт японский пехотыш разложений эле-мент-шамычын келгыш пу-раш тунгалмышт дене умыл-таралтеш, сандене японский командованийлан шуэн огыл нине часть-шамычым йүшö вуж атакыш колташ логалеш. Японский авиаций ден тан-ковый часть-шамыч япон-ский пехота деч утларак слабый улят.

Советско - монгольский часть-шамыч отравляющий вещество-шамычым да кре-далмаште бактериологиче-ский средства-шамычым ку-чылтат манын квантунский штабын шаркалыме увер-шамычше шотышто гын, советско-монгольский вой-ска-шамыч штабыште тиде увер-шамычым йбршеш шо-яккан да наглый клевета-лан шотлат.

(ТАСС).





## ИСПАНИЙЫШТЕ ШУЖЕН ИЛАТ

Фашистский Испанийыште кызыт шужен илат. Сан-Себастьян олаште илыше-шамыч ик арнялан картычка почеш 100 грамм рисым, 1 кило паренгым, 200 грамм сакрым да 100 грамм кофе гына налын кертыт.

Арня жапыште тиде чеч посна нимогай продуктымат огыт пу.

Испанийын чыла олаштыжат калык-шамыч шужен илат.

## Фашист-шамыч чех-шамычым пызырат

Германский фашист-шамыч витле тужем наре чех-шамычым концентрационный лагерылашке колтенят. Южо олаште пельже утла илыше-шамычым арестоватлыме.

Мнихово Градист район-ышто илыше-шамыч йудым кугу корно воктен улшо онгаш немецкийла возыман надписым да плакат-шамычым налын кышкеныт.

Фашист-шамыч тиде чеч вара тусо илыше-шамычлан кугу корно дене коштан да йудым латик шагат деч вара лекташ запретитленят. Шуко еглан кугу штрафым пуэныт.

## Шведский школьник-шамыч шужен илат

Бигеда поселкышто (Швеция) врач-шамыч 534 школьникын тазалыкыштым онченят. Нунын кокла гыч шукуш рахит, малокровий дене черланыше улыт.

## КУАНЫДЫМЕ КЕНЕЖ

### Капиталистический эллаште йоча-шамычын кенегымсе „каныштыт“

Саарбрюкен немецкий олан вокзалже тиде кечын поснак вес түрлө лийын. Вокзал удрамыш да йоча-шамыч дене темын.

Шортньо июнь тылзе. Кушнө канде кава гыч кече йол мланде умбалым шошын ырыктен. Кече ояр да куанымашан ыле.

Но йоча да удрамыш-шамычын чурийышт ойган. Йоча-шамычын воштылмо йукуштыт ок шокто, авашт-шамычын чурийышт огеш шыргыж.

... Поезд перрон дек толын шогае. Изиде пассажир-шамычым вагоныш шындаш туналыч. Йоча-шамыч авашт-шамычын шортнын ойырат.

Пытаргыш звонок. Поезд тарваныш. Нунын шортмо шинчан авашт шулыккан лийын мбгышкыштыт пбрытыныт. Тиде кечын Саарбрюкен олан вокзалыштыже мо



## Телым молан кудырчө ок лий?

Морно район, Восьшүргө НСШ-ште тунемше Кузьмин Алеша йодеш.

Волгынчо пыл коклаште, але пыл ден младне коклаште лийше электрический разряд-шамыч дене лиеш. Мландысе атмосферыште электричество кеч кунамат уло.

Кудырчан йур кукшө температуран — южышто вуд пар шуко улман гыдым лиеш. Вуд пар атмосферный пуракеш, адакат электрический заряд йур погынат.

Улнө улшо юж чот ыра да восходящий теченийым ыштен кукшө куза. Шкеж ден пырля тудо вуд парым кукыкта, нунышт иктыш ушнен кугу чучалтышым ыштат. Электричество дене зарядатлатше изи вуд ужаш-шамычын кугу чучалтышын ушнымышт зарядым кугемда.

Улыч кукыш мардежын пукмыжо дене тудын скоростыш кушнө пеш кугу лиеш. Садлан вуд чучалтышын тужвал слойжо ойыралт, вуд пурак семын кукшө куза, а чучалтышын покшел нелэ ужашыже эркын вола.

Вуд чучалтышын умбал слойжо отрицательно, а кбргысө ужашыже положительно зарядитлыме манын доказатлыме. Садланак пы-

лын улыл слойлаштыже положительный зарядан вуд ужаш-шамыч погынат, а кушнө отрицательный-шамыч. Тыге пылыште потенциал-шамыч коклаште моткоч кугу разность лийме дене, волгынчо семын койын разряд лектеш.

Волгынчо лийме корнышто давленийын кугеммыже пудештме гай шоктышо толчокым ышта, тидын дене пудештше воздушный волна-шамыч лийыт, тыге йук шокта—кудырчө лиеш.

Тыгеже кудырчан йур лияшлан тудо верлан кечын чот ырыктымыже, адак пылыште түрлө зарядым да парым иктешлыше виян восходящий юж течений лийман.

Телым тыгай кугу процесс лийын ок керт, садлан тыгай кудырчан йур ок лий.

Тиде причина-шамычлан лийын кудырчан йур экватор воктенсе верлаште чучкыдын, а кугу широтан верыште шуэн лиеш. Мутлан, Ленинградые широталан кокла шот дене кечылан 12 кудырчан йур логалеш, а экваторысо верлан—300 да утларакат.

Е. Н. Бондаревский, Марпединститутын доцентше.



Пелэ шужен илыше индусский йоча-шамыч шке озаштлан 12—14 час пашам ыштат. Пашадарым шагал налыт.

лийын? Поезд Восточный Германийышке каен. Тудо фашист-шамычын организаватлыме кенегымсе йоча лагерыш йоча-шамычым нангаен.

Фашистский лагерыште йоча-шамычым мо вуча—нунын авашт сайын паленыт. Мучашдыме военный муштра, шыде дисциплина, фашистский начальник-шамычын игылтымышт да начар кочкыш. Чылт солдатский казарма гай!

Кодшо ийыште Саарбрюкен лагерыла гыч шуко йоча-шамыч чот туржалтше, пытыше, а южышт йбреш черле пбрытыныт.

Фашистский Германийыште йоча-шамычым „Юный народ“ луман йоча фашистский организанийыш укы-меш пуртат. Тугак тиде организаний йоча-шамычым

йоча лагерышке внеш колтылеш.

Нью-Йорк—поян да кугу ола кокла гыч туняште икте. Америкысе Соединенный Штат-шамычын тиде олаштыже миллион утла школьник-шамыч шотлалтыт.

Нуно кенегым кузе эртат? Миллион утла школьник-шамыч кокла гыч лагерылашке 90—100 тужем наре велэ каят. Мошытлан олесе пурак дене шулаш да уремысе движений деч аралат коштан верештеш. Йоча-шамычын лагерыште илымыштлан нунын родителышт деч шуко оксам налыт. Садлан шудө тужем дене йорло-шамычын оксаит тулаш ок сите.

Пашадыме-шамычын йочашт тиде чеч нелэ положенийыште илат. Тиде кугу да поян олан лу тужем дене



Шая Кузнецово ялысе йоча-шамыч (Йошкар-Ола район) кроликом ончат.

Фото М. Чуршуквын.

## Авиамоделист-шамычын сореvнованийышт

20 гыч 25 июль марте кумышо республиканский авиамодельный сореvнований лиеш.

Тиде сореvнованийыште Йошкар-Ола, Кырык-Марий, Звениговский, Шернур йоча технический станцийлаسه самырык авиамоделист-шамыч участвоватлаш тунгалыт.

Кызыт нуно состязанийлан виян ямдылалтыт.



Пеш ожно ик греческий воин Марафон вер гыч Афиныш шумеш персиен-шамычым сегыме нерген уверым каласаш куржын толын. Марафон гыч Афиныш шумеш 42 километр да 194 метр.

Олаш куржын толмек „ме сеген улына“,—манын гына шуктен, коллен. Тышечын „марафонский бег“ лектын.

СССР-ыште марафонский бегыште эн сай результатым москвич Николай Голованов ончыктен. Тудо тиде расстоянийым 2 час 43 минут да 32,2 секунд куржын.

пашадыме-шамычше пычкемыш, лавыран рок пбрытышты илат. Нью-Йорк ола турышты тыгай пбортан квартал шуко уло. Нунын гыч иктыштыже пашадыме-шамычын шочышты кенеге кечым кувар йымалне илен эртат. Пбортнышты шыгыр да пушан, садланак авашт икшывыштым уремыш покте-луктыт. Но уремыштыжат кече чот пелта. Садланак йоча-шамыч кувар йумак шылыт. Тиде кувар йумалне лавыран энгер йога. Тыштак йоча-шамыч йуштылыт. Кенеге мучко тиде энгерыш шуко йоча пурен каен кола..

Ик манаш, капиталистический эллаште миллион дене йоча-шамыч кенегым огыт уж. Курика киндым муашлан да шужен илыше ешым пукшашлан лийын нуно эрден эрак фабрикиш, заводыш толыт, шахтылашке паша ышташ волат. 10—12 часан паша кече деч вара йоча-шамыч мбнгышкыштойышо, мучиталт пытыше пбрытылыт.

## Сылне лагерыш-канаши

Пуалалеш „лыж“

мардежше, Лойгалталеш галстукна. Куаналме мурна дене Ончык меже каена.

Модын коштын,


йуштылалын Кечеш могырым кукташ—Рвезе капым тазандаш да Богатырь виян лияш

Каена ме корно дене Йыр ончен: пасуш, чодраш, Каена ме туйка дене Сылне лагерыш-канаши И. Ванюш.



## Кумло куд кольча

Мишалан ижазе задачым пуэн: 36 клеткан огам сакен да кажне-клеткылашке кольчам сакалтылын. Вара ойлен:



— Тыжечын 12 кольчажым нал, вара кажне горизонтальный да вертикальный лийыште ныл кольча кодышо.

Мишалан тиде задача нелырак лийын.

Те тудлан полшыза.

Алексеев Николай. Морко район, Кугу-Кожаял НСШ.

## „Часовой“

Модшо ег-шамыч кокла гыч часовой назначатлатеш. Тудо кругын центрыштыже шогаш тунгалеш. Воктенже онгыр лиеш. Кругын диаметрже 10 метр. Моло-модшо-шамыч кругын границыштыже лийыт. Руководителын кидым рүзалтымекше модшо-шамыч черет дене часовой деке лишкак мянш да изи онгырым рүзалташ тыршат. Часовой разведчикын йукшым колмек тудын могырыш кидше дене ончыктышаш да „шогал“ манын кычкыралаш обязан.

Часовой кидше дене чын ончыкта гын, тудо разведчик модмаш гыч лектеш, часовойлан плюс ик очком возат. Йонгылыш ончыкта гын, минус ик очком возат. Часовойлан пел час модман. Тиде жапыште тудын декиен ик разведчикат сигналым пуэн кертын огыл гын, (адакшым кум гана деч утла титак каласен огыл гын) тудо сенгышыш лектеш. Модмаште иктаж-кб онгырым звонитла гын, часовой пуштмылан шотлалтеш.

Врид. отв. редактора—П. А. КЛЮКИН.